

29

ELEMENTA
THEORIAE POSSESSIONIS
ET
DOMINII

PROPONIT
ET
ILLVSTRIA HAEC IVRIS NATVRAE
CAPITA
CVM VNIVERSALI DOCTRINARVM
MORALIVM PRINCIPIO
CONNEXA
SISTIT
M. IO. MARTINVS CHLADENIVS



100

THE UNIVERSITY OF CHICAGO

LIBRARY

1212 1172 1173

1172 1173

1172 1173



I

Quemadmodum radices aequae graciles tam diuersam saepe uim habent, ut ex aliis depressum olus, ex aliis procerum robur, enascatur, ita notiones Philosophicae, ex parte paucarum saltem conclusionum, ex parte multarum Theoriarum, semina continent. Quam foecunditatem, dum, comparatione facta, in notionibus conspiciamus, aliamque alia, hac dote, superari intelligimus, in illarum, quae ubertate non minus, quam utilitate, se nobis commendant, contemplationem toti rapimur. Quotoscunque uero ex cognitione rerum reportare cupias fructus, hos, in *POSSESSIONIS & DOMINII* notionibus, copiosos deprehendes. In *bis* enim quam maxime illam uirtutem spectare licet, qua definitionum lux in amplissimas, diuersissimasque, doctrinas sese diffundit: in *bis*, quocunque te uertas, nihil umbratile, nihil otiosum, deprehendis: *bis* denique te notionibus, in officiis hominum, gentiumque, recte constituendis, sapienter dirigi, et, filo quasi Ariadnaeo, per tantarum rerum ambages, duci experieris. Vti uero in scopuloso mari nauigantibus nec pixis nautica, nec lucida sidera, profunt, nisi nauta illam ad usum transferre, haec uero

seruare, didicerit, ita fertilissimae notiones, nisi rite
instituantur, prudenterque coniungantur, sterilissimas
sefe nobis praebent: id quod permultis, qui ex
commemoratis, *dominii* et *possessionis* notioni-
bus, argumenta ducere conati sunt, accidisse uidetur.
Cum igitur certam rationem inuenisse mihi uidear, qua
istae notiones et ad differendi, et ad uitae, usum trans-
ferri possint, illam cum huiusmodi rerum studiosis com-
municandam putaui, non quidem, ut doctioribus mon-
stratorem, me praeberem, sed ut meam, de hoc ar-
gumento, sententia cognita, Lectores in ea uel
probanda, humanitatis, uel reprehendenda, liberta-
tis experimentum caperent

II

Notiones, quae in Theoria *dominii* et *possessionis*,
partim explicandae et definiendae, partim ordine
naturali tradendae sunt, potissimum has reperio: Rem
uacuam, *Possessionem naturalem*, *Possessionem ciuilem*,
Occupationem, *Traditionem*, *Vsurpationem*, atque *Do-
minium*. Ex quibus omnibus duae potissimum notiones,
occupationis nempe et *possessionis naturalis*, de eo contem-
dere uidentur, utra caput totius tractationis constitu-
enda sit, et utra alteram, tanquam partem, complectat-
ur. Ita enim affines, sibiue similes, sunt hae notiones,
ut ex iis, quae hucusque traditae sunt, descriptionibus,
diuersam earum indolem haud cognoscas. Si enim
Puffendorffium consulas, *Occupationem* nihil aliud, quam
apprehensionem rei corporalem, esse, (I. N. et G. L. IV. c.
VI. §. 2.) *Possessionem* uero per id *insistere rei semel appre-
hensae*, explicari, caeteroquin hanc quoque per *appre-
hensionem rei corporalem fieri*, (L. IV. c. IX. §. 7.)
audies. Ut igitur discrimen has notiones intercedens
indagemus, attentio nostra, secundum Logicorum prae-
cepta,

cepta, in exempla possessionis & occupationis intendenda est. Fingas igitur, *Caium* nummum in uia publica iacentem humo tollere, postea uero manu inclusum gestare. Nonne Caius nummum tollendo *occupare*, manu uero inclusum gestando *possidere*, diceretur? Et quid interest, quod ipsi nunc occupationem, nunc possessionem, tribuamus? Nempe dum Caius nummum humo tollit, *primum* eum apprehendit, siue apprehendere *incipit*; dum uero manu gestat, *ad hoc* apprehendit, siue apprehendere *pergit*. *Occupatio* igitur est prima apprehensio, siue apprehensionis initium: *Possessio* uero est apprehensio continuata. Notari autem uelim, *occupationem* hic sensu uulgari sumi, quo pariter in *res nullius*, atque *in eas, quae in dominio sunt*, dummodo *uacuae* sint, cadit; etsi alias, ab *ICTis*, ad *res nullius* restringatur, et sic, satis commode, pro modo acquirendi uenditur

III

Apprehensionis uocabulo, in eruenda possessionis atque occupationis notione, tantisper usi sumus, quod tamen ab uagum, quem coniunctum habet, significatum, has definitiones ingredi nequit. *Apprehendere* enim, propria significatione; ad manus pertinet; per Metaphoram uero, ad oculos, pedes, totum corpus, ad animum denique ipsum, transfertur. Sic *Puffendorfius* (*I. N. et G. L. IV. c. IX. §. 7.*) fundum circumire, concludere intrare, quorum neutrum manuum ope fit, tanquam *apprehensionis* quasdam species, recenset. Hac igitur uoce, cum fixo significato destituatur, ut in definitionibus construendis utamur, Logicorum praecepta non permittunt. Cogitanti ergo mihi, quam uocem magis commodam in locum *apprehensionis* surrogarem, opportune succurrit terminus *Possessionis momentaneae*, quo *ICTos* pridem delectatos esse, scio, Philosophos uero usos esse

non memini. Huius enim uocis notione penitus inspecta, hanc ad *genus* occupationis et possessionis naturalis constituendum, inprimis idoneam esse intellexi. Is scilicet POSSESSIONEM MOMENTANEAM rei habere dicitur, qui rem solus ita usurpat, ut alium simul eandem usurpare impossibile sit. Definitiones igitur quaesitas sic instrui posse puto: OCCUPATIO est *possessio momentanea prima*: POSSESSIO NATURALIS uero est *possessio momentanea continua, siue continuata*. Quas formulas & concinnitate sua, et foecunditate, solerti ueritatis inuestigatori facile se commendaturas, spero. Ne uero quibusdam circulum in definiendo commisisse uidear, uocabulum *possessionis*, in definitio *possessionis*, adhibendo; teneas uelim *possessionem naturalem* unum esse terminum, sed ex duabus uocibus compositum, perinde ut *possessionem momentaneam*. Eriam si igitur alter terminus definitionem alterius ingrediatur, nihil tamen regulis Logicis aduersum comittitur

IV

Eusdem termini ope, quo in explicanda occupatione et possessione naturali usus sum, rei uacuae quoque commoda definitio formatur. RES scilicet VACUA ea est, *quae nullum possessorem momentaneum habet*. Quippe res uacuae occupari possunt. Res uero quae possessionem momentaneam habent, nouum possessorem non admittunt, nisi prior possessor, aut possessione se abdicauerit, aut possessione deturbatus fuerit. Ergo res uacua non potest esse alia, quam quae possessorem momentaneum non habet

V

Antequam ad definitionem *Traditionis* formandam accedamus, aliam notionem ante stabilire necessum putamus. EVACUATIONEM dicimus eam *possessoris naturalis*

naturalis ad
cipit, e.g.
lem nostr
dicitur ita
statim
tione con
de patet
nea prio
possesto

Cum
bus
multum
constit
tand
nes de
noxia
que n
POSS
quam
fessio
usua
rem
um
tem
tur
rei

I
C
fa
ex
ex

ruralis actionem, qua possessione momentanea abstinere incipit, e. g. cum ex conclaui, quod possedimus, suppellectilem nostram remouemus, illud euacuare dicimur. Tradimus itaque rem, cum ita eam euacuamus, ut ab altero statim occupetur. TRADITIO ergo est occupatio euacuatione continua, occupante et euacuante uolente facta. Unde patet, quod in traditione ultima possessio momentanea prioris, cum prima possessione momentanea noui possessoris coniuncta sit

VI

Cum uero una res, multis rationibus, ab uno, pluribusue, *possideri* dicatur, cognitionis scientificae multum interest, ut certae huius uocis significationes constituentur, quae singulae deinde suis terminis denotandae sunt. Hoc enim, nisi perfectum sit, propositiones determinatas, h. e. certas et exceptionibus non obnoxias, nunquam formabimus. Praeter possessionem itaque momentaneam, et naturalem, iam explicatam, porro POSSESSIO CIVILIS notanda est, quam in *iure rem aliquam naturaliter possidendi*, sitam putamus. Hanc possessionem non solum *domino rei* tribuimus, sed etiam *usuuario*, et *usufructuario*, imo etiam *conductori*, illique, qui *rem commodatam utendam accepit*. Horum tamen omnium possessio civilis, si a domino recesseris, ad certum tempus restricta est, quo elapso possessio illa civilis finitur; e. g. in commodatario, si rem ultra tempus, a domino rei sibi concessum, detineat

VII

Iuris uocabulum, quo, in definitione possessionis civilis construenda, usi sumus, (§. VI) ex uulgari quidem usu fatis notum, sed, si recte meminimus, apta definitione uix explicatum est. Nec enim quis illam *Puffendorffianam* explicationem pro definitione amplectetur, qua *I. N. et*

G. L.

G. L. l. c. l. §. 20. *qualitas moralis esse dicitur, uicuius recte uel personis imperamus, uel res tenemus, aut cuius ui aliquid nobis debetur.* Illa enim enarratio specierum Iuris, *in res, in personas*, quam ualde a definitionum castitate abhorret? porro quid sibi uult qualitas moralis? quid *recte* imperare, *recte* tenere? Nonne ius melius explicatur per *facultatem naturalem, cuius exercitium per legem non impeditur.* Multas scilicet facultates habemus, quas tamen, ne in actiones erumpere patiamur, lege, uel naturali, uel diuina, uel ciuili, prohibemur. Facultas uero, si quae nullam legem sibi aduersam habeat, ius dicitur. Sic homo masculus liber, et adultus, ius habet uxorem ducendi, cum et per uires naturales id agere queat, nec ulla lege, ne uxorem ducat, impediatur. Sic qui *uenandi* iure gaudet, nihil prae caeteris, qui hoc iure carent, praecipui habet, quam quod a feris capiendis, occidendisque, legibus non prohibeatur, quae plerisque, ne eandem actionem suscipiant, sua seueritate obstant

VIII

Quotiescunque quis iure quodam gaudet, toties caeteris hominibus officium incumbit cauendi, ne alterum iure suo priuent. Ius enim est facultas aliquid agendi per legem non impedita, (§. VII.) Facultates autem, quibus instructi sumus, nostras perfectiones constituunt. Cum igitur perfectiones alteri, quibus gaudet, eripere per leges naturae nefas sit, omis quoque actio, qua alterius ius, uel tollimus, uel turbamus, Legi naturae aduersatur. Si quis e.g. iure gaudet *aquam ex puteo bauriendi*, reliquis id officii incumbit, ut nec fontem obstruant, nec aditum ad puteum praecludant, nec aquam denique, ut ad usum inepta fiat, inficiant

In defini
natura
hoc arti
seuri, u
moment
lam ur
Theoria
iusque
quas p

Q
ria in
huius
cuan
tes
antu
mer
tis
sic
eff
led
bi
g
c
u
u

IX

In definitionibus *possessionis naturalis, occupationis, rei uacuae, traditionis, et possessionis civilis*, condendis, hoc artificio usi sumus, ut, quicquid hae notiones uel obscuri, uel ambigui, habent, id omne in unam *possessionis momentaneae* notionem coniecimus. Ex qua re illam utilitatem adipiscimur, ut si haec saltem notio iusta *Theoria* illustrata et foecunda facta sit, huius lumen, huiusque foecunditas, ad omnes, quas iam adduximus, et quas porro formabimus, notiones dimanet

X

Quo uero uberiorem conclusionum uim notio *possessionis momentaneae* continet, eo difficilius eius *Theoria* inuestigatur. Nec enim uulgarem, qua utimur, huius termini notionem, ualde expeditam, et perspicuam esse, inde colligimus, quod haud raro tam ancipites de possessione momentanea quaestiones, et lites, oriuntur, ut hae iudicis non solum auctoritatem, sed et acumen et scientiam, desiderare uideantur. Ex comparatis autem inter se exemplis illud conficimus: *POSSESSIONEM MOMENTANEAM eiusmodi rei usurpationem esse, qua posita, alius rem eandem usurpare nequeat*. Sic lecti momentanei possessores sumus, cum in eo decumbimus: annuli, cum eum digito, nummi, cum marsupio gerimus: conclauis, in quo cum suppellectili nostra commoramur: nemo enim alius uel lecti, uel annuli, uel nummi, uel conclauis, usum habere potest, nisi ab usurpatione illarum rerum, uel sponte, uel ui coacti, ante abstineamus

XI

Sed hic, nisi in omnibus, quae a *possessione momentanea* lucem mutuuntur, notionibus haerere uelimus, multa probe discernenda et prouidenda sunt. Et primo in

B

mul-

multis rebus difficile quidem, sed tamen necessarium est, actiones et usurpandi modos definire, qui possessionem rei, per quam omnes alii ab eiusdem rei usurpatione excludantur, constituunt. Sic *equi*, cui alter insidet, alter freno apprehenso adhaeret, possessio, cui tribuenda sit, dubium uidetur. *Praedii* quoque possessio momentanea, quibus actionibus contineatur, non omni ex parte expeditum est. *Deinde* plures saepissime personae unam rem possident, eoque unam possessoris momentanei personam moralem constituunt: quod qua ratione fiat, itidem, explicandum est. *Porro* possessio unius rei saepe inuoluit possessionem alterius cuiusdam rei, quam *accessoriam* dicere solent: unde *Theoria rerum principalium et accessoriarum*, quam ualde de possessione iudicaturis scitu sit necessaria, facile perspicitur. *Nec minus* id quoque in usum huius doctrinae definiendum est, qui fiat, ut res, natura, loco, omnique, ut uidetur, ratione disiunctae, pro una re habeantur, ut *grex*, qui nunc ex pluribus, nunc uero paucioribus ouibus componitur: ut *praedium*, quod ex aedificiis, aruis, siluis, gregibus, armentis, piscinis, ueluti partibus, componitur. *Denique* cum, ut alia multa per alios agimus, ita quoque res per alios possideamus, nec haec possessionis affectio sine profundiori discussione praetermittenda est, si omnes huius doctrinae rationes perspectas habere uelimus: quarum si ullam ignoremus, dubitationes circa possessionem, traditionem, occupationem, ipsumque dominum, orituras nec uitare, nec iam enatas soluere, poterimus. Secare autem nodos, etsi in negotiis civilibus saepe sit necessarium, a scientiarum tamen fine et more alienum est

XII

Possessionem naturalem per continuam possessionem momentaneam (§. III.) descripsimus. *Continuum* autem

autem hoc pertinet ad tempus; quippe is, qui per aliquem temporis tractum rei cuiusdam possessionem momentaneam habuit, possessor naturalis per illud tempus fuisse dicitur. Haec igitur nostra definitio duas notiones complectitur partiales: *possessionis* scilicet *momentaneae*, quam (§. XI.) explicui, et notionem *continui* tanto accuratius describendam, quanto plus uel ideo momenti habet, quod, per leges civiles, diuturna possessio tandem dominium possessori largiatur. Haec scilicet continuitas possessionis momentaneae, probe a continuitate temporis in se spectati, distinguenda est. Cum enim possessio momentanea in usurpatione rei consistat: usurpatio uero sit actio quaedam nostra: sequitur ut *possessio momentanea continua* sit series quaedam actionum, quibus singulis rem quandam usurpamus. Actiones uero illae, si in exempla attentionem dirigamus, non semper immediate se inuicem excipiunt, aut sibi inuicem cohaerent, sed longis temporum interuallis nonnunquam disiuncta esse deprehenduntur. Sic enim *diaetam*, tempore hyberno, uacuam relinquimus, et, quamuis possessionem civilem retineamus, rem ipsam tamen nec ipsi, nec per alios, possidemus: Sic *subsellis in templo*, non omnibus horis, non quotidie, sed tempore saltem cultus diuini celebrandi, et ne tunc quidem semper, utimur, salua nostrae possessionis continuitate. Nempe cum omnis rei usurpatio, (de possessione enim nuda, quae excipienda uideri posset, mox dicemus) aliquam utilitatem in possessorem conferre debeat, ex uoluntate possessoris aestimandum est, quo tempore, et per quae interualla, rem ad usus suos transferre, eamque actu possidere, uelit. Quaedam etiam res per naturam suam non semper possideri possunt, ut *subsellia in templo*, quorum, extra sacrorum procurationem,

nullus usus est: ut *diacta*, cuius utilitas omnis tempore hyberno cessat. *Continua* igitur *usurpatione* et *possessione momentanea* rei cuiusdam quis fruitur, cum eam, quoties et per naturam rei licet, et illi libet, usurpat et possidet. Cum igitur quem dicis per decem, uiginti, aut triginta annos rem (naturaliter) possedisse, non id innuis, illum per tot annos, nullo temporis momento excepto, rei ueluti in cubuisse, sed illud saltem doces, eum rem, quotiescunque ipsi libuit, et rei natura id passa fuit, eam usurpasse et momentaneam eius possessionem habuisse. Hoc igitur tempus, per quod quis rei momentaneam possessionem actu habuit, saepe multo breuius est tempore, quod indicari solet, decem, uiginti, aut triginta, annorum. *Tempus, quo quis rem uel per naturam ipsius possidere non potest, aut possidere non uult*, TEMPVS QUIESCENS appellabimus. Cum igitur continuam possessionem momentaneam, h. e. possessionem naturalem, cuidam tribuimus, eam quidem ex annis et mensibus supputamus, ita tamen, ut tempus non minus quiescens, quod diximus, quam illud, quo re uera rei adhaesit, in rationes referamus

XIII

Inuenta temporis quiescentis notione, porro aliam possessionis speciem commoda definitione explicare poterimus. *Possidere clam* eum dicimus, qui rem alienam uacuum eo tempore tenet, quo dominus, aut is, ad quem res pertinet, ea non utitur: ueluti, si quis aedes, quas dominus peregre profectus uacuas, et male clausas, reliquit, ingrediatur, in illisque commoretur. Cum igitur tempus, quo dominus uel possessor ciuilis, rem suam uacuum relinquit, *tempus quiescens* dictum sit, (§. XII.) POSSESSOREM CLANDESTINVM illum esse docemus, *qui rem alienam tempore quiescente naturaliter possi-*

possidet.
ralis sit,
tingere
sciente o
deduce
termini

Posse
ta
confis
quod
fessio
est, a
ralem
fessio
aequ
hau
fessio
omn
id,
e.g
pu
ne
ac
ce
un

possidet. Cum uero occupatio initium possessionis naturalis sit, (§. II.) OCCUPATIONEM CLANDESTINAM contingere palam est, *cum rem alienam uacuant tempore quiescente occupamus.* Quae definitiones et Theorematibus deducendis inprimis sunt idoneae, et uulgares horum terminorum notiones multa luce perfundunt

XIV

Possessio naturalis, eiusque initium, occupatio, in certa, qua rem amplectimur, et usurpamus, actione consistit (§. II.) Haec actio *uel* iusta est, hoc est, ex iure quodam, quo possessor gaudet, profluit, *uel* a iure possessionem inuadendi seiuncta est. Per se autem clarum est, atque perspicuum, quod nemo possessionem naturalem sibi arrogare debeat, nisi iustus, et civilis, possessor eius rei sit. Vti uero homines ad negligendas aequissimas naturae leges proni sunt, ita possessionem haud raro inuadunt, etsi nullo iure nitantur, nec possessoris civilis personam referant. *Possessio naturalis ab omni possessione civili, seu iure rem possidendi, seiuncta* est id, quod POSSESSIO VITIOSA appellatur. Si quis e.g. *rem precario possideat*, et ultra concessum sibi tempus rei inhaereat, possessionem naturalem quidem retinet, civilem uero possessionem siue ius possidendi amisit, ac propterea possessio eius *uitiosa* esse reputatur. Sic etiam *possessio clandestina*, cum nullo iure nitatur, *uitiosa* est.

XV

Dominium qui *ius* esse dicunt, *de re perfecte disponendi*, profecto terminis utuntur, qui ex rationibus, regulisque, Philosophicis aestimati, ad definitionem efficiendam minus accommodati sunt. Nec enim aut *disponendi*, aut *perfecte disponendi*, uox, uel notio, ea luce radiat, quam Philosophi in notionibus definitionem consti-

tuentibus desiderant. Interim quia receptas ab erudit-
 itis definitionum formulas, quantum fieri potest, retinere,
 nec linguam Philosophicam a communi loquendi usu,
 nisi necessitas iubeat, unquam discrepare uolumus, ter-
 minis istis, medela adhibita, utemur, ita tamen, ut illos
 nec incertis notionibus nobis imponere, nec, quae
 haecenus fuerunt, steriles esse, patiamur. **DISPONERE**
 igitur de re is nobis dicitur, *qui rei statum uoluntate sua*
determinat. **PERFECTE DE RE DISPONERE** nobis
 est, *omnem rei statum, qui uoluntati humanae subiacet,*
per uoluntatem determinare. Sic de libro empto perfecte
 disponendi iure gaudeo, quippe qui, pro lubitu, illius
 folia dissipare, lacerare, lituris foedare, compactori li-
 ganda tradere, porro ad usus meos transferre, alteri
 commodare, in loculamentis, uel etiam in conclauis pu-
 trido, deponere, denique sexcentis rationibus tractare
 possum. Etsi uero *perfecta de re dispositio*, infinitas
 actiones, magnamque disponendi uarietatem comple-
 ctatur, tota tamen ad duo capita reuocari posse uidetur,
 ad dispositionem nempe *de possessione et de substantia rei.*
 Cum de **SVBSTANTIA** rei disponimus, eius internum
 statum; cum uero de **POSSESSIONE** disponimus, ex-
 ternum eius statum uoluntate nostra determinamus. Si
 itaque *dominium*, per ius de re perfecte disponendi
 definitum, minus tibi arrideat, aliam definitionem
 accipe, quod sit *ius de rei substantia et possessione*
disponendi

XVI

Visitatam *dominii* notionem, ni fallor, uberiores red-
 didi, id quod tamen tractationi, secundum metho-
 dum Philosophicam adornatae, non sufficit, utpote
 quae, ut *realitatem* et originem notionis a priori demon-
 stre, a Theoriae conditore postulat. Et sane nihil nos,
 quo

quo minus ad hoc negotium accederemus, moraretur, si modo notio domini, quam effinximus, iam omni ex parte satis circumscripta et expressa esset. Nempe notio, quam dedimus, uulgari domini notione latius patet, et propterea in completa est. Etenim *res*, quae *nullius* dicuntur, ita reuera sunt comparatae, ut omnes homines ius habeant, de earum substantia et possessione disponendi; unde fluere uidetur, omnes homines dominio in res nullius gaudere, id quod tamen in notionem domini uulgarem impingeret. Sic de *rana* in *palude* foedis suis cantationibus sese oblectante, cui, quaeso, non ius libere disponendi competit? Cuilibet enim bestiolam capiendo occupare, lapillis laedere, uel etiam occidere, integrum est, nec tamen quisquam dominium illius animalculi sibi arrogat. DOMINIUM autem, si uulgari notioni stricte adhaereamus, est *ius personae, uel pluribus personis, proprium, de rei cuiusdam possessione et substantia disponendi*. Cum igitur, ut diximus, in res nullius, omnibus ius competat iis utendi, res uero permultae per naturam suam nullius sint, aut quondam nullius fuerint, illud utique inquirendum est, quomodo ius illud ad unam pluresue personas restringatur, caeterisque ueluti adimatur. *Occupationem* a plerisque domini causam allegari, lectio librorum, quibus Ius naturae traditur, nos condocet. Cum uero illi ipsi auctores, ex occupationis notione dominium commode deriuari non posse intelligerent, notioni occupationis pactum aliquod, a maioribus nostris initum adiungendum putarunt, ut ex hoc singularem dominium parturiendi uim conciperet. Nobis satius uidetur ex principio quodam Iuris admodum uulgato; *neminem laede*: demonstrare, qua ratione una pluresue personae rem quandam, exclusis omnibus aliis, ad usus suos adplicandi ius

acquirant, id quod dominii notionem absolueret, ex definitione nostra, patet

XVII

Sed haec ipsa *laesio* notio fini nostro conuenienter instruenda est, cum uulgarem eius, eamque confusam, notionem, non quidem nobis aduersam, sed rebus tamen nostris parum inferuentem, experiamur. *LAESIONEM* nempe definiendam puto per *actionem*, qua alterum perfectione quadam, qua gaudet, priuamus. *Perfectiones* uero nostrae sunt, partim facultates mentis, partim uires et dotes corporis, partim facultates rebus extra nos positis utendi, seu ad utilitates nostras adiungendi. Propositio igitur: *neminem laede*: etsi plerumque, nulla probatione addita, nec male, sumatur, ab eo tamen, qui summo demonstrandi rigori studet, ex universalis Iuris naturalis principio; *actiones omnes ad perfectionem et felicitatem, generis humani dirigendae sunt*: non multo negotio demonstrabitur. Quae ipsa sane diligentia, nec nimia, nec reprehendenda, uidetur, cum omnes propositiones ad conclusiones deducendas multo fiant aptiores, si ex principiis notioribus, siue *a priori*, demonstrantur, quam si praecisis ueluti nervis, quibus ex reliquo doctrinarum corpore instruuntur, et exsangues, ad tractationem ueritatum afferantur

XVIII

Res extra nos positae fere omnes non sine multo labore ad nostros usus adiunguntur. Sic *bruta* aut facilius indaganda, aut per dolos capienda, aut longiori disciplina adhibita ad mansuetudinem, et labores, adigenda sunt: Sic *terra*, ut sementibus recipiendis apta reddatur, aut a uirgultis spinisque purganda, aut fossis ductis exsiccanda est; ut uero horti elegantiam induat, multo maiori et longiori industria, subigenda, irriganda,

ganda, conferenda est. Multae praeterea res, ipsam ueluti *substantiam*, per actiones nostras, naetae sunt, ut aedificia, instrumenta, quibus in officinis utimur, et tantum non omnia, quae suppellectilis notione comprehenduntur. Cum igitur industriae saepe nostrae tribuendum sit, quod res usibus nostris inferuiant, quis non uidet, possessionem momentaneam et naturalem illarum rerum diligentiae nostrae mercedem reputandam esse, cum si segnes, si desides, fuissetus, res per naturalem ipsarum conditionem possidere non possemus. Diligentiae igitur nostrae acceptum referendum est, quod facultate rebus istis utendi gaudeamus. Facultas uero haec perfectionis loco habenda est, (§. XVII.) quam, si nullius cum detrimento nobis acquisiuimus, iuste possidemus. (§. VII.) Nemini igitur facultatem istam nobis eripere licet. (§. XVII.) Eripietur autem nobis haec perfectio, cum alius rei possessionem inuadit, eoque nos possessione excutit. (§. X.) Ergo *rem, quam quis, industria sua, usibus suis accommodatam reddidit, nemo alius possidere, sibi que, utendo, uindicare potest.* Qua ratione isti, qui rem finibus suis aptam reddidit, soli ius eam usurpandi et possidendi asseritur. Cum uero unicuique iuris sui partem alteri concedere liceat, is qui solus rem possidendi ius habet, iuris sui particulam in alium transferre, adeoque de rei possessione disponere, poterit

illud quoque, *quæ ratione ius de rei substantia disponendi ad personam unam pluresue restringatur*, docendum est. Qui nempe ius de rei possessione disponendi habet, perfectionem aliquam acquisiuit. (§. XVII.) Iam uero nos omnes ad perfectiones maiores acquirendas per naturam obligamur, omnesque, ne innocuum nobis progressum alterius ad maiorem felicitatem impediamus, seuere prohibemur. Ergo si quis rem finibus suis accommodatam immutare, aut in eo, quo iam deprehenditur, statu retinere uelit, idque e re sua fore putet, reliquis nefas est, illum, quo minus de rei suae substantia disponat, impedire. His igitur rationibus *ius rem possidendi et de eius substantia disponendi cum exclusione aliorum acquirimus*. Si igitur illam actionem, qua *rem nullius* usibus nostris aptam reddimus, eaque in re operam et industriam impendimus; occupationem dicas, haud inepte ex *occupatione* dominium fluere statues. Cum uero non omnis occupatio ita comparata sit, ut in eam multum diligentiae et laboris impendamus, et industriae fructum cum possessione perdamus, nec omnis occupatio, siue occupatio in se spectata, dominii genetrix reputari potest.

XX

O riginem, siue realitatem, dominii, a priori, et ex aliis Iuris naturae notionibus, non ea quidem, quam uerae methodi ignari forte praeoptant, breuitate, ea tamen, quam partim rei perspicuitas nobis indulsit, partim Elementorum, quae scribimus, angustiae nobis imperare uisae sunt, deriuauimus. Multa uero quae plerumque prolixius, ob defectum principiorum, et disputantur,

tantur, et probantur, ex notione domini nostri more stabilita in compendium mitti, atque uno, et item altero, ratiocinio confici possunt. Ita *territorium*, an iure domini, an possessionis, a gentibus et, qui illarum personam referunt, principibus teneatur et usurpetur, in utramque partem disputari solet. Ex nostra autem domini Theoria, terram, uel rectius terrae partem, ut dominum patiat, in primis idoneam esse facili negotio ostenditur; quippe quae, ut a naturali uel sterilitate, uel inanitate in commodam gentis sedem transmutetur, non solum multorum hominum, sed et plurium annorum, imo seculorum, culturam requirit. Gentem itaque nunquam, nisi per atrocissimam laesionem, sedibus suis exturbare quisquam poterit, id quod *dominium* efficere ante diximus. Sic controuersiam de *mari libero*, magnitudine potius rei, quae in disceptationem uenit, quam argumentorum, quibus libertas maris uel oppugnata, uel defensa est, ponderibus illustris, uno *Theoremate*, ex notione domini fluente dirimitur. Propositio uero, a qua tantae controuersiae, quatenus nempe rationibus, non armis, agitur, exitus pendet, haec est: *quicquid possessionem naturalem non admittit, illud nec in dominio esse potest*: aut, quia occupationem nihil aliud quam initium possessionis naturalis esse diximus, (§. III.) haec altera: *quicquid a nemine occupari potest, illud in nullius dominio esse potest*. Iam nemo principum unquam totum Oceanum uel occupasse, uel naturaliter possedisse, se iactauit: Ergo nulli genti, nullique principum, Oceani dominium tribui

proscribitur, quale est illud, quod ex donatione Pontificis Romani elicitur

XXI

Domino ius rem suam pro lubitu naturaliter possidendi tribuendum est, per definitionem (§. XVI.) datam: ergo *dominus est possessor civilis rei suae*. Iam uero et is, qui rem alienam aut commodatam, aut conductam, accipit, huius possessione civili fruitur. (§. cit.) Possessio igitur civilis duplex est, *alia*, quae *ex dominio fluit*, quam POSSESSIONEM PROPRIAM appellabimus, alia, quae *cuiusque iusto possessori, praeter dominum, competit*, quam IMPROPRIAM POSSESSIONEM uocabimus. Hoc tamen, quod indicauimus, discrimen possessionis propriae et impropriae, externum saltem est, cum bonae contra definitiones internas notas desiderent. Si igitur id, quo duae hae notiones differunt, intimius scrutemur, possessionem impropriam ad certum semper, et definitum, tempus restringi deprehendemus, cum contra possessiones propriae duratio, perinde ut ipsum dominium, nullo tempore circumscriptum sit. Etenim, e.g. *in locatione conductione* tempus finiendae locationis definitur cum quo ipsa possessio civilis, qua conductor gaudet, expirat. Idem quoque temporis limes possessionem *commodatarii* constringit. Possessio uero propria nullis temporis angustiis includitur, sed cum ipso dominio perennat

XXII

Ex uulgari igitur, eaque, uti uidimus, uaga *possessio-
nis* notione, quinque omnino notiones, ratione du-
ce,

ce, in lucem protraximus: *Possessionem* nempe *momen-
taneam*, *possessionem civilem*, *possessionem naturalem*,
possessionem propriam, et denique *possessionem impropriam*.
Horum nempe terminorum, notionumque ipsis respon-
dentium, ope, quandocunque de *possessione* philosopha-
mur, propositiones fixum, et determinatum, significa-
tum habentes, formare nobis licet, uel etiam propositiones,
de his notionibus iam formatas, ad certam signifi-
cationem reducere, dummodo in singulis, pro generali
possessionis uoce, semper speciales notiones, aut *momen-
taneam*, aut *civilem*, aut *naturalem*, cogitare et pronuntia-
re discamus. Quod diligentiae genus iis quidem, qui Phi-
losophiae studiis se addictos profitentur, tam grauius
incumbit, quam turpis ipsis regularum Logicarum uel
inscitia, uel neglectus, ducitur. Quid uero de iis par-
tim Axiomatibus, partim Theorematibus, quae non mi-
nori copia, quam industria, a priscis Ictis inuenta, Legi-
busque Romanis inserta sunt, statuendum sit, num sci-
licet iisdem, quibus doctrinae Philosophicae, subiectae
sint regulis, Iuris Antistitibus diiudicandum relinquo.
Haec certe, de *possessione*, doctrina illa esse uidetur, quae
prae caeteris, summum per omnia *Leibnitium* ad *Di-
gestorum* opus, cum Mathematicorum scriptis compa-
randum, permouere, ipsique has aeterni illius operis
laudes extorquere potuit: *Ego Digestorum opus, uel po-
tius Autorum, unde excerpta sunt, labores admiror, nec
quicquam uidi, siue rationum acumen, siue dicendi neruos
spectes, quod magis accedat ad Mathematicorum laudem.*

Possessionem momentaneam per usurpationem rei definiuimus. (§. III.) *VSURPARE* uero *rem* est *eam ad utilitatem nostram adiungere*. In omni ergo possessione simul utilitatis, quae in possessorem redundat, notio includitur. Et, uel hanc ob causam, uox *apprehensionis* ex definitione possessionis eliminanda nobis uisa est, quod nulla utilitatis, cum possessione necessario coniunctae, indicia contineat. Neque hanc notionem possessionis pro lubitu fingimus, sed eam necessario sic concipiendam esse ostendimus, si eius iura, et tantum non sanctitatem, ex definitione demonstrare uelimus. Id quod uel ex eo probamus, quod plerique, cum ad actionem potius, quae in possessione continetur, quam utilitatem, ex possessione percipiendam, respexerint, huius ui non satis intellecta, et in occupationis, et dominii, explicatione haeserint. Ratum itaque sit atque firmum, *omnem possessionem utilitatis notionem sinu suo et ambitu comprehendere*. Sed hic terminus *possessionis nude* nobis obstare uidetur, quo ius denotatur, uel actio, qua rem alterius cum exclusione quidem aliorum, sed sine ulla in nos redundante utilitate, tractamus. Quam notionem equidem, ut *realem*, ueneramus; sed id tamen cauendum putamus, ne cum possessionem quandam nudam dici audimus, utilitatem perceptam, uel percipiendam, *accidens* possessionis uerae esse, inde concludamus, sicque ex uoce, *nuda*, argumentum ducamus. Cui rei etsi per regulas Logicas iamiam cautum sit, quae ueritatis inuestigatorem, non ex terminorum compositione, sed ex definitionibus argumen-

gumentari iubent, uulgari tamen praxi, quae regulis istis, sapientissime constitutis, contraire solet, obicem, admonitione data, ponendum putauimus


XXIV

Fidem igitur datam, exhibitis his *elementis Theoriae possessionis et dominii*, liberaui. Qua in re, etsi omnia ad Systematis Philosophici perfectionem, tanquam principem huius descriptionis scopum, ita retuli, ut ille, qui huc usque in iure naturae uacuus fuit locus, quodammodo repletus uideatur, nec tamen illius, quam Theoriae Philosophicae doctrinis omnibus aliis afferre debent, opis immemor fui, sed ita has meditationes instruxi, ut si cui *terminis* a nobis explicatis, cum in Iurisprudencia adhibentur, nostras *definitiones* substituere libuerit, has non solum non aduersas, sed et maxime consonas, expecturus sit. Quam nostrarum definitionum utilitatem, et cum reliquis doctrinis consensum, multo quidem illustriorem reddi potuisse, intelligo, si istis sua, quae inde fluunt, *Theoremata* adiunxissem; quo minus tamen tam amplae tractationis molem in praesenti susceperim, non tam difficultate, quam anticipi rei edentu, me permotum profiteor. Non enim ignoro, quo plerumque uultu nouae rerum definitiones excipiantur, nec illam sortem recusos, quod notiones distinctae ideo, quia uulgaribus confusis notionibus ualde sunt dissimiles, eo usque suspectae habentur, donec ipso usu crebraque applicatione eruditae familiares fiant simulque illud, quod ipse ad

hisce, ab initio statim, Theoremata adiuncta essent, haec quoque, ut pariter suspecta, disputationibus forte ansam darent, cum post receptas definitiones facillime animis prudentum sese insinuent. Si igitur has, quas in lucem publicam prodire iussi, meditationes, iis, quibus de rebus Philosophicis iudicandi facultas data est, non displicere intellexero, in doctrinis hisce latius diducendis, uberiusque exponendis, meam non desiderari patiar industriam. In-
terea omni ope in id annitar, ut doctrinarum Philo-
sophicarum dignitas, meis quoque, licet tenu-
ioribus, uiribus et conseruetur, et
quodammodo augeatur

VITEBERGAE

PRELO BOSSOEGELIANO. CLIO IDCC XL



VA11522085